

Boazodoallošiehtadusa 2018 šiehtadallamiid loahppaprotokolla

Stáhta, Eanandoallo- ja biebmodepartemeantta bokte (EBD) ja Norgga Boazosápmelaččaid Riikkasearvi (NBR) leat šiehtadallan boazodoallošiehtadusa 2018/2019 áigodahkii.

Norgga Boazosápmelaččaid Riikkasearvvi (NBR) ovddasteaddjit:

Šiehtadallanlávdegoddi Ellinor Marita Jåma (jodiheddji)
Tom Lifjell
Ánde Niillas Utsi

Áššedovdi/ráđđeaddi: Randi Skum
Ellen-Sara Sparrok
Inge Even Danielsen
Per John Anti
Per Thomas Oskal
Asgrim Opdal

Stáhta ovddasteaddjit:

Šiehtadallanlávdegoddi: Anne Marie Glosli (jodiheddji)
Marit Myklevold
Liv Berit Hætta

Áššedovdit/ráđđeaddit: Tone Seppola (Eanandoalldirektoráhtta)
Wenke Brenna (Gieldda- ja ođasmahttindepartemeanta)
Espen Fjeldstad (Dálkkádat- ja birasdepartemeanta)

Áici Marit Meløy (Sámediggi)

Čállu Sunna Marie Pentha
Morten Floor

1. BUŠEAHTTARIEVDADUSAT 2017/2018 BOAZODOALLOŠIEHTADUSAS

1.1 Ruotabeale dálveguhtoneatnamiid atnima hitnardeapmi

Ruhtadoarjja orohagaide mat hitnarduvvot johtimis dálveguhtumiidda Ruota bealde danne go Norgga-Ruota boazodoalokonvenšuvdna ii leat vel doaimmas, čovdojuvvo nu go ovddit jagi Boazodoallošiehtadusa olggobeale.

Danne go golut leat lassánan bohccuid biebma geažil, ábaide danne go Hedemárkkus ii leat šat lohpi bordit jeahkáliid, gč. njuolggadusa doaimmaide hehttet Chronic Wasting Disease (bistevaš vuoiŋašdávda mii falleha guoberelliid) njoammuma, (CWD) FOR-2017-07-31-1234, § 7 njealját lađđasis, de lasihuvvo ruhtamearri bohccuid biebma 310 ruvnnas juohke bohccos 400 ruvdnui juohke bohccui.

Ruhtadit doaibmabijuid orohagaide mat eai beasa johtit dálveguhtumiidda Ruota bealde 2017/2018 dálvvi, árvaluvvo Stuoradikki 2017/2018 Boazodoallošiehtadusa meannudeami oktavuodas sirdit 2,55

miljovna ruvnu 1142. kapihttalis 71. poasttas 1151. kapihttalii 51. postii. Doaimmabijut leat ee. biebmán ja fuođđariid fievrredeapmi, ja eará dasa guoskevaš dárbbalaš doaimmat.

1.2 Jagi 2017 geavatkeahces ruđa atnin

2017 jahkerekketdoallu čájeha ođđajagimánu 1. b. 2018 ahte leat adnojuvvon sullii 1,1 miljovna ruvna unnit 75. poasttas ja 0,2 miljovna ruvna unnit 79. poasttas.

Dainna eavttuin ahte dat ruhta mii lea báhcán dáidda poasttaide dohkkehuvvo sirdit 2018:i, ja dohkkehuvvo sirdojuvvot 75. poasttas ja 79. poasttas 51. postii, de leat šiehtadallit soahpan atnit ruđaid čuovvovaččat:

- Ásahit optihkalaš klassifiserenvuogádaga bohccobirgui
- Láhčit dilálašvuodaid orohagaide ráhkadit orohatplánaid

1.2.1 Optihkalaš klassifiserenvuogádat bohccobirgui

Šiehtadallit čujuhit prošektačállosii maid NBR buvttii ovdan čoahkkimis guovvamánu 26. beaivve gos evttohuvvo doaimmaplána ja mot dan ruhtadit. Šiehtadallit mihtet dasa ahte álggahuvvo dákkár bargu. Dattetge ferte dát álggos čielggaduvvot Eanandoalldirektoráhta raportenvuogádaga ektui. Dasto ferte oassálastin maid čielggaduvvot áigequovdilis njuovahagaid ektui, dás maid Áisajávrrri boazonjuovahagain. Šiehtadalliide lágiduvvo ođastuvvon prošektačálus ja loahpalaš doaimmaplána ovdal cuoŋománu 1. beaivve 2018. Golut galget gokčojuvvot daid geavatkeahces ruđaid rámma siskkoale.

1.2.2 Láhčit dilálašvuodaid orohagaide ráhkadit orohatplánaid

Nordlánddas devde dušše njealjis guoktenuppelohkáii orohagain eavttuid oazžut orohatdoarjaga 15/16 boazodoallojagi. Dat mearkkaša ahte dušše 33 % orohagain Nordlánddas lea riekti oazžut doarjaga heahtegearggusvuodá doaimmaide. Romssa beale orohagain lea dát 71 % . Válidosivvan dasa lea go orohat eai leat ráhkadan orohatplánaid.

Šiehtadallit mihtet bargojoavkku árvvoštallamiidda dasa ahte maiddái Nordlándda ja Romssa orohagain lea dárbu ja riekti oazžut heahtegearggusvuodá doarjaga. Dasa vuoruhuvvo 150.000 ruvna, nu ahte fylkkamánit ovttas guoskevaš orohagaiguin besset ráhkadit dohkálaš orohatplánaid.

2. BOAZODOALLOŠIEHTADUS 2018/2019

Šiehtadallit leat soahpan ođđa boazodoallošiehtadusa 2018/2019:ái, mii doaimmá suoidnemánu 1. beaivve 2018 rájes gitta geassemánu 30. beaivái 2019:ái. Šiehtadusčálus lea dárkkistuvvon ja vuolláičállojuvvon.

Šiehtadallanbealálaččat leat daid ovttaskas poasttaid ja ortnegiid dáfus soahpan ná:

2.1 Poasta 51: Boazodoalu ovdánahttinfaanda (BOF)

2.1.1 Doaimmat nisnonlbmuide várás

Boazodoalolágas 2018/2019 eai várrejuvvot sierra ruđat doaimmabijuide mat gusket nisnonlbmuide. Šiehtadallibealálaččat deattuhit dan ahte dat ii hehte boazodoaloniisniid ohcat

prošeaktaruhtadeami BOF:s, dehe ahte NBR organisašuvdnan sáhhtá ohcat ruhtadeami ovddidanprošeavttaide mat gusket nissonolbmuide.

Vai nissonolbmuide guoski ortnegat mat leat boazodoallošiehtadusat bohtet eanet dihtosii, ja vai geavaheddjiide šaddá álkit čuovvut mielde goas leat ohcanáigemearit daidda sierranas ortnegiidda, áigu Eanandoaldepartemeanta joatkit diehtujuohkima ealáhussii. NBR galgá maiddá vuogas vugiid mielde lasihit diehtujuohkima ealáhussii boazodoallošiehtadusa ortnegiid birra.

Bargu oččodit dásseárvvu boazodoalus eaktuda veahki eambbosiin. Dat guoská sihke almmolaš eiseválddiide go hábmeyit váikkuhangaskaomiid, alccesis ealáhussii ja ealáhusorganisašuvdnii.

NBR lea ráhkadan strategiija dásseárvvu oččodeapmái boazodoalus mas leat konkrehta čuovvolan áššit. Lea dehálaš ahte NBR bargá aktiivvalaččat ja mihttomerolaččat strategijain, ja ahte NBR vuoruha daid iešguđetge doaimmaid. NBR ferte ain láchit dili organisašuvnnastis nu ahte lea ovtadássásašvuolta sohkabeliid dáfus. Dat guoská sihke NBR stivrras ja báikkálaš servviin. Ovdalaš gáibádusat sohkaealleovddasteami ektui jotkojuvvo Boazodoallošiehtadusas 2018/2019.

Leat čađahuvvon mánga guorahallama nannet nissonolbmuid dili boazodoalus.

Šiehtadallanbealálaččat lea soahpan bivdit olggobeale guorahalli čielggadit daid sierranas guorahallamiid mat leat čađahuvvon boazodoalu nissonolbmuid doaimbajuid ja dásseárvvu birra. Guorahallama ulbmil galgá leat dat, ahte addit šiehtadusbealálaččaide oppalaš duohtavuodagova, gos guhtege sierranas evttohus árvvoštallojuvvo. Šiehtadallanbealálaččat evttohit ahte Sámi Allaskuvla, mas lea earenoamáš gelbbolašvuolta árbevirolaš sámi boazodoalu birra, jerrojuvvo čađahit guorahallama. Barggu sisdoalu/mandáhta ráhkadit šiehtadallibealálaččat, ja barggu gárvema áigemearri lea juovlamánu 1. beaivi 2018. Guorahallanboadus ovdanbuktojuvvo šiehtadallanbealálaččaide Boazodoallošiehtadusa 2019/2020 šiehtadallamiid álggahančoahkkimis juovlamánu 2018:s. Prošeakta ruhtaduvvo 200.000,- ruvnain BOF bokte.

2.1.2 Dutkan ja ovddideapmi

Ruhta dutkamii ja ovddideapmi 2018:s ii várrejuvvo. Šiehtadallanbealálaččat baicca ávžžuhit BOF-stivrra vuoruhit ruđaid ovddidit fuođđariid maiguin biebmá bohccuid go lea heajos guohtondilli.

Eanandoalldirektoráhtta galgá ain joatkit čalmmustahttit boazodoalofágalaš dutkama ja dutkanbohtosiid iežaset ruovttusiiddus. Eanandoalldirektoráhtta galgá maiddá láchit dili lasihit dutkanbohtosiid diehtujuohkima boazodoalu birra oppalaččat.

2.1.3 Riidoeastadandoaimmat

Riidoeastadeami doaimmaid váldoulbmi lea unnidit riidduid boazodoalu ja muđui eanandoalu gaskka. Šiehtadallanbealálaččat oaivvildit leat dehálažžan ahte Trøndelaga Fylkkamánni čađaha vuđolaš kvalitehtasihkarastima ja vuoruha ohcamiid ortnega ulbmila ektui. Šiehtadallanbealálaččat čujuhit dasa ahte eanemus doarjjameari lea 80 proseantta ja ahte Trøndelaga Fylkkamánni sáhhtá heivehit doarjjameari dan ektui makkár doaimma lea ja dasa makkár váikkuhus das vurdojuvvo.

Šiehtadallanbealálaččat leat soahpan várret 1,45 miljovna ruvnna riidoeastadeami doaimmaide Boazodoallošiehtadusas 2018/2019:s. Šiehtadallanbealálaččat vurdet ahte čuovvovaš

eanandoallošiehtadusas várrejuvvo unnimusat seamma sturrosaš supmi, 1,45 miljovna ruvna eanandoallošiehtadusas seammá ulbmilii/doibmii.

Danne go leat garra ja guhkilmas eananriiddut boazodoalu ja eanandoalu gaskka guovlluin Hedemárkkus ja Trøndelagas, de lea dárbu vuoruhit liige návccaid ožžodit gulahallama ja čovdosiid mat leat ávkin goappašat ealáhusaide. Šiehtadallanbealálaččat čujuhit prošehtii *“Fremtidsrettet rein- og jordbruksdrift i Hedmark og Trøndelag”* maid Os suohkan lea álggahan, ja mas leat fárus maid Hedemárkku Fylkkamánni ja Trøndelaga Fylkkamánni. Šiehtadusbealálaččat leat mieđamánasat prošehtii, ja evttohit ahte dan prošehtii várrejuvvo 500 000,- ruvna riidoeastadandoaimmaid ruđain. Dasa lassin evttohit várret vel 500 000,- ruvna BOF bokte. Eaktu dasa lea ahte seamma sturrosaš ruhtasupmi (500 000 ruvna) várrejuvvo čuovvovaš eanandoallošiehtadusas. Šiehtadallanbealálaččat galget dohkkehit prošehtii loahpalaš mandáhta. Lea dehálaš ahte prošeaktajodiheadji ja sii, geat ožžot doaimmaid prošeavttas, lea doarjja guoskevaš bealálaččain. Ášši ásahuvvo nu, ahte BOF stivra árvoštallá ohcama lagabuidda, ja ahte stivra gulahallá prošeaktaohcciiguin ovdal go doarjja mieđihuvvo.

2.1.4 Ovddidanprográmma

Boazodoallošiehtadusas 2018/2019:s leat šiehtadallanbealálaččat soahpan várret 8,2 miljovna ruvna Ovddidanprográmmii, ja das lea prográmma hálddašeapmi fárus.

Šiehtadallanbealálaččat eaktudit ahte Ovddidanprográmma stivrenjoavku ja hálddahus čuovvolit ovddeš láidestemiid. Šiehtadallanbealálaččat leat mielde prográmma stivrenjoavkkus, gos sii vurdojuvvojit leat aktiivvalaččat. Jagi 2018 njuolggadusčoahkkima olis bovdejuvvo Innovašuvdna Norga čilget lagabuidda mot ovddeš láidesteamit lea čuovvoluvvon, dás maiddá Boazoprográmma stivrenjoavkku rávvagat.

Earret daid dihto láidestemiid, dohkkehit šiehtadallanbealálaččat Innovašuvdna Norgga rávvagiid mat gusket doaimmaide main leat dihto mihttomearit 2018/2019 šiehtadusjagis, mat leat buktojuvvon ovdan árvalussan Boazodoallošiehtadusa 2018/2019 šiehtadallamiidda.

2.1.5 Fágareiveortnet

Boazodoallošiehtadusas 2018/2019:s leat šiehtadallanbealálaččat soahpan várret 2,0 miljovna ruvna fágareiveortnegii.

Ulbmil fágareiveortnegiin lea oahpahit nuoraid čeahpes boazodoalu fágabargin, ja addit oahppofitnodagaide joatkkaoahpu vai besset čađahit fágareive ja oažžut gelbbolašvuodađuodaštusa fágaoahppolága mielde. Oassin das, ahte nannet nissonolbmuid saji ja dili boazodoalus, leat šiehtadallanbealálaččat soahpan joatkit vuoruhit nissonolbmuid boahhtevaš oahpahalliid bagadalliid gaskkas. Dasa lassin fuomášahttet šiehtadallanbealálaččat dan, ahte lea dehálaš sihkarastit ahte oahpahallit bohtet iešguđetge geográfalaš guovlluin.

2.1.6 Márkandoaimmat

Márkanlávdegotti váldobargu lea sihkarastit norgga bohccobirgui positiiva beaggima, ja boktit geavaheddjiid miela oastit bohccobierggu. Dasa lassin galgá Márkanlávdegoddi gaskkustit eará aktevrraide márkaniidda guoskevaš áššiid ja fuomášumiid. Márkanlávdegoddi galgá ain atnit Moniid

ja bierggu diehtujuohkinkantuvrra (OEK) strategalaš ovttasbargoguoibmin čađahit välljejuvvon márkandoaimmaid.

Márkanlávdegoddi lea ovttas Ovddidanprográmmain jahkásaččat čađahan seminára bohccobiergofitnodagaide. Márkanlávdegoddi galgá joatkit ovttasbargat Ovddidanprográmmain lágídit doaluid dán suorggis maiddái 2019:s.

Šiehtadallanbealálaččat dorjot Márkanlávdegotti 2018:i doaibmaplána ja bušeahttaevttohusa. Šiehtadallanbealálaččat deattuhit ahte Márkanlávdegoddi ferte ain čavga vuoruhit gulahallama geavaheddjiiguin vai sihkkarastá gálvojođu. Viidáseappot fertejit sii áimmahuššat bohccobierggu saji márkaniin.

Márkanlávdegotti miellahtut ja čállingoddi ferte ain bargat doaimmalaččat. Šiehtadallanbealálaččat leat danne soahpan dan, ahte Márkanlávdegoddái addojuvvo vejolašvuohta mearridit mot atnit gitta 50 000,- ruvna rádjái 2018 bušeahtas vai besset buhtadit liige bargonoađi ja lassánan mátkkoštangoluid. Dasa lassin sáhttet vel ieža mearridit mot atnit 150 000,- ruvna lámhčit dili nu ahte čállingoddi nákke čuovvolit daid bargguid maid lávdegotti lea mearridan.

Boazodoallošiehtadusas 2018/2019:s leat šiehtadallanbealálaččat soahpan várret 5,0 miljovna ruvna Márkanlávdegotti bargguide. Ruđat, mat eai adnojuvvon 2017:s, sirdojuvvojit 2018:i ja adnojuvvojit ovddidit ođđa márkastinávdnasiid.

2.1.7 Boazosuvdin

Šiehtadallanbealálaččat leat soahpan joatkit guoskevaš njuolggadusaid ja doarjjameriid boazosuvdima dáfus.

Boazodoallošiehtadusas 2018/2019:s leat šiehtadallanbealálaččat soahpat várret 4,5 miljovna ruvna boazosuvdimii.

2.1.8 Boazodoallorusttegat

Guoskevaš njuolggadusat ja doarjjamearit rusttegiidda jotkojuvvo. Doarjja boazodoallorusttegiidda ii várrejuvvo Boazodoallošiehtadusas 2018/2019:s.

Boazodoallošiehtadusa 2013/2014 šiehtadallamiin sohpe šiehtadallanbealálaččat lámhčit dili buoridit ja ođastit rusttegiid mat adnojuvvojit gávpebohccuid njuovvamii, ja ahte boazodoalu ovddidan- ja investerendoaimmaid dárbbut galge guorahallojuvvot. Dat čađahuvvui, ja dán guorahallama maŋgil lea juolluduvvon oktiibuot 16,1 miljovna ruvna infrastruktuorra doaimmaide vai nákkejit njuovvat eambo bohccuid 2013-2015 áigodagas. Šiehtadallanbealálaččat čujuhit vel dasa ahte dain ruđain lea vel báhcán 3,1 miljovna ruvna mat eai leat máksojuvvon danne go eai buot álggahuvvon proševttat leat gárvvistuvvon.

2.1.9 Oahpahallan- ja fuolahusbálvalusat

Boazodoallošiehtadusas 2018/2019:s leat šiehtadallanbealálaččat soahpan várret 1,27 miljovna ruvna ásahit oahpahallan- ja fuolahusbálvalusaid boazodollui.

Proševttas leat álggahuvvon ja leat doaimmas ollu doaimmat mat gusket sihke suohkaniidda ja boazodollui. Leat ráhkaduvvon dihto plánat joatkkabargguide, ja bušeahttaevttohus boahhte áigodahkii. Šiehtadallanbealálaččat dorjot bargojoavkku ovdanbuktojuvvon plánaid ja bušeahtha.

2.1.10 Klassifiserenvuogádaga doaimmaheapmi ja bohccuid optihkalaš guhkkodatmihtideapmi

Bohccobierggu klassifiserenvuogádat ásahuvvui čakčat 2015:s. Leat ráhkaduvvon njuolggadusat ođđa klassifiserenvuogádahkii. Čakčat 2018:s lea jurdda ásahit bohccuid optihkalaš guhkkodatmihtideami. Šiehtadallanbealálaččat atnet dehálažžan ahte Animalia, álggahanáiggis go ásahit optihkalaš guhkkodatmihtideami bohccuin joatká barggu maiddái hálddašit guoskevaš njuolggadusaid ja dárkkisteami mat gullet bohccobierggu klassifiserenvuogádaga atnimii.

Boazodoallošiehtadusas 2018/2019:s leat šiehtadallanbealálaččat soahpan várret 0,75 miljovna ruvna doaimmahit klassifiserenvuogádaga ja bohccuid optihkalaš guhkkodatmihtideami.

2.1.11 Boares áideávdnasiid ja lobihis áiddiid čorgen

Buot boazodoalloguovlluin leat ollu boares áideávdnasat maid ferte čorget eret.

Šiehtadallanbealálaččat leat ovttaoaivilis ahte sii, geat leat ceggen lobihis áiddiid, maiddái lea ovddasvástádus váldit daid eret, muhto čájehuvvo ahte eanas orohagain ii dahkkojuvvo dat. Áideávdnasat maid eai čorge eret headuštít ja vahágahttet sihke elliid ja olbmuid geat vánddardit dain guovlluin.

Boazodoallošiehtadusa 2015/2016 šiehtadallamiid oktavuodas sohpe šiehtadallanbealálaččat álggahit proševtta čorget eret boares áideávdnasiid. Ortnet lei áiggi dáfus ráddjejuvvon ja 2015/2016 doallojagi guoská dat Romssa ja Nordlándda boazodoalloguovlluide. 2016/2017 šiehtadusjagi guoská fas ortnet Davvi-Trøndelaga boazodoalloguvlui ja šiehtadusjagi 2017/2018 ges fas Oarje-Finmárkku boazodoalloguvlui.

Šiehtadallanbealálaččat leat soahpan ahte dát ortnet 2018/2019 šiehtadusjagi guoská Nuorta-Finmárkku boazodoalloguvlui.

Guoskevaš njuolggadusat ja doarjjamearri jotkojuvvo.

Earret várrejuvvon 1,0 miljovna ruvna Boazodoallošiehtadusa 2018/2019 bokte, sirdojuvvojit dat ruđat lassin, mat vejolaččat leat báhcán anihaga ovddeš ortnegiin mat guske Romsii, Nordlándii, Davvi-Trøndelagii ja Oarje-Finmárkui.

2.1.12 Boazodoalu eananatninkárttaid viidáseappot ovddideapmi

Lea dárbu čađahit pilohtaproševtta man vuodul addá oahpu ja kurssaid gitta golmma boazoorohagaide das mot dađistaga ođasmahttit boazodoallokárttaid ođasmahttinčovdosis. Eanandoalldirektoráhhta galgá jođihit dán barggu, muhto ásahuvvon bargojoavku oassálastá proševtta čađaheamis.

Boazodoallošiehtadusas 2018/2019:s leat šiehtadallanbealálaččat leat soahpan várret 0,3 miljovna ruvna pilohtaprošektii čađahit oahpaheami ja kurssaid gitta golmma boazoorohagaide mot ođasmahttit boazodoallokárttaid.

2.1.13 Iešstivrenraportta čuovvoleapmi

Boazodoallošiehtadusa 2015/2016 šiehtadallama oktavuodas šihattojuvvui álggahit proševtta áhpásmahttit boazodoalu iešstivrejumi ja siskkáldas dárkkisteami. Ásahuvvui bargojoavku maid Eanandoalldirektoráhtta jođihii. Dasto ráhkaduvvui dasa maid mandáhtta ja ovdánanplána.

Bargojoavku lea ovdanbuktán vejolaš gelbbolašvuodadoaimmaid dasa mot viidáseappot ovddidit iešstivrejumi boazodollui. Šiehtadallanbealálaččat bivdet bargojoavkku ráhkadit gollomeroštallama ja vuoruhit doaimmaid maid buktet ovdan njuolggadusčoahkkimis mii dollojuvvo miessemánus/geassemánus 2018:s.

2.1.14 Ruđat heahtegearggusvuhtii

2017 dálvi ja giđđadálvi lei hirbmat garas boazodollui eanas guovlluin Norggas, ja ábaide Nuorta-Finnmárkku boazodollui. Dan vuodul nammadedje bealálaččat bargojoavkku mii galggai iskat boazodoalu heahtegearggusvuoda.

Bargojoavkku mandáhtta lei kártet ja čilget sihke eiseválddiid ja boazodoalu organiserema ja barggaid mat guske heahtegearggusvuhtii, ja dan vuodul evttohit doaimmaid mat nannejit heahtegearggusvuoda. Dasa lassin galggai bargojoavku čilget boazodoalu anu ja vejolašvuoda háhkat fuođđariid, ja vejolaččat evttohit doaimmaid mainnalágiin buoridit fuođđariid háhkama.

Šiehtadallanbealálaččat guorrasit eanas muddui bargojoavkku evttohusaide mot nannet boazodoalu heahtegearggusvuoda. Njuolggadusčoahkkima oktavuodas 2018 giđa galgaba NBR ja stáhta čilget goabbat guoibmáseaskka daid doaimmaid birra mat leat čuovvoluvvon.

Sihkkarastin dihte heahtegearggusvuoda lávdegottiid ruđalaš rámmaid vai sáhttet čadahit doaimmaid, čuovvolit šiehtadallanbealálaččat bargojoavkku evttohusa várret ruđaid heahtegearggusvuhtii BOF bokte.

Boazodoallošiehtadusas 2018/2019:s leat šiehtadallanbealálaččat soahpan várret 2,0 miljovna ruvna heahtegearggusvuoda doaimmaide.

Ráhkaduvvo sierra njuolggadus dasa mot atnit dáid ruđaid.

2.1.15 Fievrrendoarjja

Doarjja fievrredit gávpegorudiid galgá dásset bohccobierggu hatti boazoeaiggádiidda dain sierranas orohagain ja boazoservviin, ja veahkehit dasa ahte bohccot njuvvojuvvojit ja biergu vuvdojuvvo beaktilit. Doarjja galgá maiddáid váikkuhit dasa vai njuvvet eanet bohccuid ovdal go johtet čakča- ja dálveguhtoneatnamiidda. Earret daid namuhuvvon ulbmiliid, de váikkuha fievrrendoarjja dasa ahte gilvu bohccobierggu nalde lassána.

Guoskevaš doarjjameriid ja njuolggadusaid evttohit joatkit.

Boazodoallošiehtadusas 2018/2019:s leat šiehtadallanbealálaččat soahpan várret 2,0 miljovna ruvna fievrrendoarjjan.

2.1.16 Njuvvojuvvon bohccuid raportereren

Doarjjaortnega vuodđu, mii guoská njuvvon bohccuid raporteremii, lea “Njuolggadus njuvvon bohccuid raportereren” mii addá sidjiide, geat njuvvet bohccuid, vejolašvuoda ohcat ruđalaš doarjaga čađahit daid ahkenjuolggadusaid mat gáibiduvvojit raporteremis.

Guoskevaš doarjjameriid ja njuolggadusaid evttohit joatkit.

Boazodoallošiehtadusas 2018/2019:s leat šiehtadallanbealálaččat soahpan várret 0,3 miljovna ruvna njuvvon bohccuid raporteremii.

2.1.17 Boazodoallofágalaš mielváikkuheapmi ja oassálastin regionála hálddašeapmái

Guovllustivrraid loahpaheami ja boazodoalu regionála hálddašeami sirdima fylkkamánii oktavuodas, lea mearriduvvon ahte dat guoskevaš fylkkamánit galget ásahtit ortnegiid mat láchčēt dili sámi ja boazodoallofágalaš mielváikkuheami regionála hálddašeamis.

Šiehtadallanbealálaččat oaidnet dehálažžan dan ahte boazodoallošiehtadusa oktavuodas láchčōjuvvu dilli nu ahte dollojuvvojit čōahkkimat gaskal boazodoalu ja fylkkamániiid. Dáinna vuoduin, leat šiehtadallanbealálaččat soahpan várret ruđaid BOF bokte mat addet boazodollui vejolašvuoda oážžut gokčōjuvvot mátkegoluideaset go oassálastet čōahkkimiidda maid fylkkamánit lágidit.

Boazodoallošiehtadusas 2018/2019:s leat šiehtadallanbealálaččat soahpan várret 0,2 miljovna ruvna boazodoallofágalaš mielváikkuheapmái ja regionála hálddašeami oassálastimii.

2.1.18 DBS boazodoalus (Dearvvašvuolta Biras Sihkarvuolta)

Čuovvolan dihte DBS-raportta evttohusaid mat gusket guhkitáigge doaimmaide, addojuvvo Eanandoalldirektoráhttii bargun jođihit dán barggu viidáseappot. Direktoráhtta galgá čađahit dán barggu lagas ovttasbargguin NBR:in. Bargojoavkku raportta ektui galgá joatka gulahallamis váldit oktavuoda Norgga Eanandoalloráđđeaddin bálvalusain. Boahte njuolggadusčōahkkimis miessemánus/geassemánus 20 18:s ovdanbuktojuvvo plána mot viidáseappot čuovvolit dán barggu.

2.1.19 Eará ortnegat mat gullet BOF vuollái

Šiehtadallanbealálaččat leat soahpan ahte BOF stivra galgá doaimmahit válddistis doarjjarámma ektui. BOF stivra ráhkada plána mot atná daid ruđaid mat eai leat várrejuvvon dihto doaimmaide ja mat dorjot daid mihttomeriid mat leat boazodoallopoltihkas.

Jus šiehtadallanbealálaččat eai leat mearridan eará, galget foandda ovddeš juolluduvvon doarjagat luvvejuvvot ja adnojuvvot nannet foandda iežaskapitála.

2.2 Poasta 75: Gollogeahpideaddji- ja njuolggodoarjagat

Šiehtadallanbealálaččat čujuhit dasa ahte boazodoallošiehtadusa rámmat eai galgga rihkkōjuvvot, danne go dat ii leat ng. “árvoštallojuvvon doarjja”. Vai sihkarastá dan ahte doarjjaortnegat eai leat eanet go dat ekonomalaš rámma maid Stuoradiggi lea mearridan, de mearrida Eanandoallo- ja biebmodepartemeanta daid loahpalaš doarjjameriid ovttasráđiid NBR:in dalle go buot ohcamat leat registrerejuvvon ja dárkkistuvvon.

3. NJUOLGGADUSAT

Šiehtadallanbealálaččat leat soahpan ahte EBD ovttasráđiid NBR:in ráhkada ja mearrida Boazodoalu ovddidanfoandda ja daid ortnegiid njuolggadusaid, mat gusket njuolggodoarjjaortnegiidda, ja vel čálgoortnega.

Šiehtadallanbealálaččat leat soahpan ráhkadahttit njuolggadusaid dasa mot atnit heahtegearggusvuoda ruđaid.

Guoskevaš njuolggadusat mat gusket boazofievrrideapmái ja njuvvon bohccuid raporteremii heivehuvvo Boazodoalu Ovddidanfoandda njuolggadusaide.

Orohatdoarjaga njuolggadusat čielggaduvvojit vai sáhhtá loktet DBS doaimmaid mihttomearrin masa sáhhtá oažžut doarjaga.

Raporterennjuolggadusaide biddjo vejolašvuolta boazodoalloeiseválddiide dárkkistit njuvvon bohccuid raporterema, ja dasa lassin viiddiduvvo vuosterehkenastin vejolašvuolta *Forskrift om tilskudd til siidaandeler og tamreinlag* (Njuolggadus doarjjaortnegiin siidaosiide ja boazoservviide) njuolggadusas. Viidáseappot galgá árvvoštallat boazodoalu árrapenšuvnna njuolggadusa, dan ahte mii lea válodojuvvon mielde referánsasisaboađuid rehkenastimis, dás maddái dat mii guoská eará liigeealáhussii, gč. njuolggadusa § 7, nuppi lađđasis.

4. BOAZODOALU DIVADAT (GOLUT)

Boazodoalu vearut ja divadat eai leat fáddán dain jahkásaš boazodoallošiehtadusa šiehtadallamiin. Dattetge lea šiehtadallanbealálaččaide mitaluvvon mainnalágiin lea čuovvoluvvon ráđđehusa evttohus ásahit ortnega oastit divatkeahtes doallofievrruid maid atnet boazodoalus.

Ruhtadandepartemeanta lea bivdán Vearrodirektoráhta buktit evttohusa mainnalágiin sáhhtá loahpahit dán divatortnega. Evttohus sáddejuvvo gulaskuddamii, ja ráđđádallan Sámedikkiin ja NBR:in čađahuvvo ášši oktavuodas. Dán divada heaittiheapmi čađahuvvo nu jođánit go vejolaš, ja maŋemusat suoidnemánu 1. b. 2018:s.

5. ČOAHKKIMAT EARÁ DEPARTEMEANTTAIGUIN

Čuovvovaš čoahkkimat leat plánejuvvon gaskal NBR ja eará departemeanttaid politihkalaš njunnošiiguin 2018 giđa:

Dálkkádat- ja birasdepartemeanttain – Boraspirevaháгат

Johtolatdepartemeanttain – Boazojápmu ruovdemáđii geažil

Gieldda- ja ođasmahttindepartemeantta – Boazodoalu areálaid sihkarastin

6. DOAIMMAT MAT GUSKET RADIOAKTIIVVALAŠ NJUOSKIDEAPMÁI

6.1 Doaimmagoluid gokčan radioaktiivvalaš nuoskideami geažil

- a) Lea várrejuvvon 0,5 miljovnna ruvnna 1142 kapihttalas gokčat goluid mat gusket bohccobierggu radioaktivitehta nuoskideapmái 2018:s.

- b) Njuolggadusat radioaktivitehtadoaimmaide mat gusket 2018/2019 njuovvanáigodahkii mearriduvvojit seamma vugiid mielde go boazodoalošiehtadusa guoskevaš njuolggadusat.

Oslo, guovvamánu 27. b. 2018

Ellinor Marita Jåma

Anne Marie Glosli